

الظروف ... تمنعيني تمنعي نفسك إني أشوفك أو أطوف ...
بالقرب منك يا حبيبتي زي الضيوف ... و لا اشمعنى أنا هو
أنا خلاص ممنوع أشوف ... اللي سرقت مني عمري في
أحلى حب ... جايه بعدين تقولي لي احنا كنا بنتسلّى لب ...
و لا كنا بنشوي في قلوبنا كله كذب ... و نفرم لحرمانا و
لهفتنا قلب ... عاوز أحس إني إنسان محبوب يا ناس ... أو
إني أستحق ... إني أطولك لو ساعات ... بعدها أموت بجد
... أوعي تقولي

لي مش مهم ... أو تقولي إني في شيء أهم ... مني و
تشيليني هم .. أكثر من اللي أنا شايله كام ... ياللا يا بنت
الأكابر خَلينا احنا الأصاغر ... و لا مش عايشين أساساً ...
احسبينا م اللي سافر و مش هيرجع تاني غادر ... اللي
بيحبك ده مش كافر ... أنا أصلي مؤمن بالنصيب .. و عادي
لو هيكون بعيد ... و أبعد أكثر يا حبيب ... آه يا ني عليك
نصيب ... ابعد أبعد ياللا بعيد.

الخير بايديك يا أمي

الله عليك يا أمي .. الخير بايديك يزيد

قلبي يهديك وردة .. و يوشوش لك من بعيد

يا لى حنانك دفى حضى وحبك خلانى شهيد
با موت فى صوتك تنادىنى .. يا لى يا غالى الوريد
كل ما باشوفك باحسك وشك سعد وسعيد .
الله عليك يا أمى .. الخير بايدك يزيد
لو كفى عمري بحاله .. كنت أبدل حياتك من جديد
و أقدم حياتي لضيك هديتك .. يا أمى فى أحلى عيد
و للصحاب باحكي عنك .. و أقول فىك القصيد
خليك هنا واقفة جنبى .. محتاج حنانك أكيد
يا أمى لو تسمحى لى .. أحضن سماك القريب
و ألبسك عقد لولى .. بورد حبى العنيد
هدية من ابنك بدمى .. يا أمى يا أعلى حبيب
اليوم بنبارك فى عيدك .. يا أمى و نهديك الحب
من قلبى يا أمى و باحبك .. وأفرش لك من قلبى الورد
أدعيك يديكى الصحة .. ويحميك من فوق الرب
من فضلك ترمينى فى حضنك .. ساندىنى و باحبك حب .